

Subject: Re: Fwd: Prijedlozi za dopunu Nacrta Programa rada Gradskog vijeća Zenica
From: Jakuta Imširović <jakuta.imsirovic@zenica.ba>
Date: 11.01.2023, 13:13
To: Jasenka Hadžić <jasenka.hadzic@zenica.ba>
CC: Elma Alić <elma.alic@zenica.ba>

Poštovani,

Vezano za prve dvije stavke, Sektor za ekologiju i komunalne poslove se slaže sa predložene dvije tačke dnevnog reda.

Što se tiče treće tačke, stava smo da se ista ne treba naći na Programu rada Gradskog vijeća za 2023. godinu jer predmetni izvještaj treba da se bazira na informacijama koje da bi iste zadovoljile principe tačnosti, mjerljivosti i naučne sljedivosti može izrađivati samo ovlaštena institucija, na osnovu mjerenja/analiza/istraživanja obavljenih od strane certificiranih i za to namijenjenih laboratorija.

Grad Zenica posjeduje izrađen Akcioni plan za zelene gradove u kome su internacionalni stručnjaci iz više oblasti analizirali mjerljive pokazatelje i dali određene zaključke i preporuke. Pored toga, prema Ugovoru o ustupanju na korištenje mjerne opreme i uređaja za monitoring kvaliteta zraka, broj 02-49-17967/17 od 27.10.2017. godine sa Metalurškim institutom "Kemal Kapetanović", Grad Zenica je na korištenje predao opremu (3 fiksne mjerne stanice i 4 displeja) za mjerenje kvaliteta zraka, prvenstveno parametara mjerenje SO₂, PM₁₀, NO_x, CO i O₃. Ustupanjem mjerne opreme na korištenje, Metalurški institut "Kemal Kapetanović" vrši mjerenje i analizu podataka koji su bitni za praćenje stanja kvaliteta zraka. Što se tiče zagađenosti vode, Institut za zdravlje i sigurnost hrane vrši mikrobiološku analizu vode u gradskim vodovodima, lokalnim vodnim objektima i vode iz bazena i prirodnih recipijenata za područje Zeničko-dobojskog kantona. Na osnovu člana 19, stav 4, Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, je na 18. sjednici održanoj 13.09.2011. godine je donijela Zaključak V broj: 997/11 kojim se zadužuju Federalni zavod za agropedologiju (u daljem tekstu Zavod) i Federalni zavod za poljoprivredu, da na području Zenica izvrše ispitivanje zagađenosti zemljišta, biljnog materijala i mlijeka i uspostave monitoring u trajanju od pet godina (2011.-2016.).

4.1.2023 u 9:28, Jasenka Hadžić piše:

Poštovana,

prosljeđujem Vam e-mail Udruženja Eko-forum Zenica, koji sadrži prijedloge tema za Program rada Gradskog vijeća Zenica za 2023. godinu.

Molimo da navedene prijedloge razmotrite, te da nam povodom istih dostavite pisano izjašnjenje/stav Sektora za ekologiju i komunalne poslove.

S poštovanjem,

----- Forwarded Message -----

Subject:Prijedlozi za dopunu Nacrta Programa rada Gradskog vijeća Zenica

Date:Wed, 4 Jan 2023 08:00:00 +0100

From:Samir Lemes <slemes@gmail.com>

To:gradsko.vijece@zenica.ba

CC:uo@ekoforumzenica.ba

Poštovani,

Molimo Vas da u Program rada gradskog vijeća Zenica za period 1.1. – 31.12.2023. godine u oblasti "Prostorno uređenje i komunalna djelatnost" dodate stavke:

1. Inicijativa za pokretanje procedure za proglašenje Parka prirode Babina-Tvrtkovac
OBRAĐIVAČ: Sektor za ekologiju i komunalne poslove
ROK: januar-februar
2. Plan upravljanja otpadom grada Zenice za period 2023-2032. godina (prijedlog)
OBRAĐIVAČ: Sektor za ekologiju i komunalne poslove
ROK: mart
3. Izvještaj o stanju okoliša na području grada Zenice za 2022. godinu
OBRAĐIVAČ: Služba za ekologiju, komunalne i inspeksijske poslove
ROK: maj-juni

Obrazloženje:

1. Na dnevnom redu 5. sjednice Gradskog vijeća od 28.1.2021. godine bila je planirana tačka 15 – Inicijativa za pokretanje procedure za proglašenje Parka prirode Babino-Tvrtkovac. Ta tačka je na zahtjev gradonačelnika povučena s dnevnog reda na samoj sjednici, radi dorade. Strategijom razvoja općine Zenica 2012-2022 planirana je uspostava parka prirode "Babina". I prostornim planom grada Zenice 2016-2036 predloženo je da se zaštićenim područjima različitih kategorija proglase površine od cca 60 km² nakon što se provedu stručna istraživanja prema Zakonu o zaštiti prirode FBiH. Tokom 2021. i 2022. godine u okviru projekta "Misli o prirodi!" koji se finansirao uz podršku Švedske urađen je i gradskoj upravi dostavljen Elaborat o opravdanosti proglašenja zaštićenog područja Babina-Tvrtkovac. Time su se stekli preduslovi da Inicijativu za pokretanje procedure za proglašenje Parka prirode Babina-Tvrtkovac usvoji gradsko vijeće i uputu Zeničko-dobojskom kantonu na dalje postupanje.
2. Na 5. sjednici Gradskog vijeća od 28.1.2021. godine Gradsko vijeće usvojilo je nacrt Plana upravljanja otpadom grada Zenice za period 2021-2030. godina u uputilo ga u javnu raspravu. Prijedlog Plana s rezultatima javne rasprave nikad nije stavljen na dnevni red vijeća.
3. Grad Zenica je po zvaničnim izvještajima jedan od gradova s najzagađenijim zrakom, a ispitivanja tla 2011-2015 pokazala su da je i tlo zagađeno teškim metalima, neophodno je da gradsko vijeće ima informacije o stanju okoline, kako bi donijelo odgovarajuće zaključke, podnijelo inicijative prema višim nivoima vlasti i poduzelo mjere za unapređenja kvaliteta okoline koje su u nadležnosti grada. Na sjednicama gradskog vijeća do 2016. godine ova tačka bila je sastavni dio programa rada vijeća.

Eko forum Zenica

--

Jakuta Imširović, dipl. inž. mašinstva
Šefica Sektora za ekologiju i komunalne poslove



Trg BiH br. 6
72 000 Zenica
Bosna i Hercegovina

Tel: +387 32 44 78 06

E-mail: jakuta.imsirovic@zenica.ba

